



ҚАЗАҚСТАН ҰЛТТЫҚ БАНКІ

АҚПАРАТТЫҚ ХАБАР

2018 жылғы 28 қыркүйек

Қазақстан Республикасының Ұлттық Банкінде жұмыс істеу үшін жоғары оқу орындарының талантты түлектері мен тәжірибелі мамандарды іріктеу жөніндегі науқан шеңберінде резюме қабылдау туралы хабарландыру

Қазақстан Ұлттық Банкі қызметкерлерді іріктеу жөніндегі науқанның басталғанын хабарлайды.

Жоғары оқу орындарының талантты және перспективті түлектерін және жұмыс тәжірибесі бар білікті мамандарды шақырамыз.

Іріктеуге жоғары оқу орындарының экономикалық, заң, математикалық, IT білімі бар түлектері қатыса алады.

Бізге халықаралық құқық бойынша жоғары білікті мамандар (мүмкіндігінше шетелдік білімі бар, шетелдік (ағылшын) құқықты жақсы білетін, инвестициялық компанияның/банкнің заң қызметінде істеген жұмыс тәжірибесі бар), сондай-ақ тәуекелдерді талдау және бағалау үшін математикалық білімі бар талдаушы-мамандар қажет.

Сонымен бірге бізге инновациялар саласында жұмыс тәжірибесі бар IT-талдаушылар, құрылыс (қосымша экономикалық білімінің болғаны дұрыс), энергетика және киберқауіпсіздік сияқты салаларда жұмыс тәжірибесі бар мамандар қажет.

Шетелдік білімі, халықаралық сертификаттары, жұмыс тәжірибесі бар және ағылшын тілін жетік меңгерген үміткерлерге басымдық беріледі.

Біз өз мамандығын жақсы көретін, бірлескен жобалармен жұмыс істегісі келетін, болашағынан үміт күттіретін мамандарды командамызға қабылдауға дайынбыз.

Жас мамандар үшін бұл – өз әлеуетін іске асырып, біліктілігін көтеріп, мансабын жасау үшін баға жетпес тәжірибе.

Тәжірибелі мамандар тұрақты жұмыс орнын, лайықты еңбекақысын, өз дағдысын кәсіби ұжымда қолдана білу мүмкіндігін бағалай алады.

Іріктеуге қатысу үшін әрбір ниет білдірген адам 2018 жылғы 27 қыркүйектен бастап 27 қазан (қоса алғанда) аралығында Ұлттық Банктің ресми сайтында (www.nationalbank.kz, «Ұлттық Банк туралы» бөлімі/«ҚҰБ-ға жұмысқа орналасу»/«Резюмеңіз электрондық нұсқасы») орналастырылған «Резюмеңіз» электрондық нұсқасын толтыруы қажет.

Резюме мен эссені қарау қорытындысы бойынша іріктелген үміткерлер одан әрі психологиялық тестілеуден, бөлімшелердің басшыларымен және Ұлттық Банк басшылығымен әңгімелесуден тұратын кадр қызметімен әңгімелесуге шақырылады.

Науқан жеңімпаздары Ұлттық Банктің кадр резервіне алынып, бір жылдың ішінде Ұлттық Банкке жұмысқа орналастырылады.

Сонымен бірге жұмысқа орналасу жөніндегі, іріктеу кезеңдері туралы ақпаратты, сондай-ақ Ұлттық Банктің қызметімен байланысты кез келген сұраққа жауапты App Store және Play Market платформаларында қолжетімді «ҚҰБ Online» мобильдік қосымшасы арқылы алуға болады.

Толығырақ ақпаратты мына телефондар бойынша ала аласыздар: +7 (727) 704 660,
+7 (727) 704 591 (ішкі 3987), +7 (727) 704 761.

Толығырақ ақпаратты БАҚ өкілдері мына телефон бойынша алуына алады:
+7 (727) 2704 585
e-mail: press@nationalbank.kz
www.nationalbank.kz